


Iroun Beretitenti
Dieter F. Uchtdorf

Te Kauoman ni Kauntira
n te Moan Beretitentii



Tera ae Roko, Imwiin te Tangira?

Ara Burabeti ae tangiraki, Beretitenti Thomas S. Monson, e reirei bwa “te tangira bon aan te euang-kerio ae moan te kakaawaki.”¹

Te tangira e bon rang kakaawaki are e aranna Iesu bwa “te moantua aei ae korakora” ao n taku bwa e bane te tua aia taeka burabeti ni katan iaona.²

Te tangira bon te iango ae boboto ni bwaai ni kabane ake ti karaoi n te Ekaretia. Ni katoa burokuraem, katoa bootaki, katoa mwakuri ake ti riki iai bwa ana reirei Iesu Kristo a riai n nako man te anua aei—n akean te tangira, “ana tangira Kristo ae itiaki,” bon akea uaara.³

N te tai are ti ota n aei n ara iango ao inanora, n te tai are ti kaota iai ara tangira ibukin te Atua ao ibukiia raora—tera imwiina?

E tau namakinan te tangira ke e tau ara tangira nakoia tabeman? Tao kaotan ara tangira ibukin te Atua ao kato-kan kainnanoia tabeman e kakoroi bukin tabera nakon te Atua?

Te Taetae ni Kaikonaki ibukiia Nati Mwane aika Uoman

N te tembora i Ierutarem, mataniwiia ibonga ao uniwane n Iutaia a nakon Iesu bwa a na kamwanea n Ana taeka. Te Tia Kamaiu, e karanga te taibora nakoia man ana karaki are e karakinna.

“Temanna te aomata ae uoman natina mwaane,” E waa-ki. Te karo e nakon te karimoa ao e tuangnga bwa e na nako ni mwakuri n ana nne ni kureebe. Ma e rawa te nati. Imwiina te nati arei e “rairanana, ao e nako.”

Te karo e a manga nakon te karimwi ao n tuangnga naba bwa e na nako ni mwakuri n ana nne ni kureebe. Te

nati te karimwi e taku nakoina bwa e na nako, ma e bon aki nako.

Ngkanne te Tia Kamaiu e rairaki nakoia ibonga ao uniwane man titiraki, “Antai mai irouwia nati aikai ae karaoa nanon tamana?”

A taekinna bwa te karimoa—e taku temana bwa e aki nako ao imwiina e rairananona ao e nako ni mwakuri n te nneni kureebe.⁴

Te Tia Kamaiu e kabongana te karaki aei ni kabwarabwara te reirei ae kakaawaki—bon naake a ongeaba nakon tuua a bon tangira te Atua.

Tao aio bukina ngkai e tuangiia aomata bwa a na kakaungo ao n irii aia taeka Baretaio ao taan koroboki ma a na aki irii aia banna ni katooto.⁵ Taan reirei n aro aikai a aki karaoa te bwai are a taekinna. A tatangiria bwa a na taekina te aro, ma te kananokawaki bwa aki ira nanona.

Mwakuri ao Kamaiuakira

N teuana ana kabanea n reirei te Tia Kamaiu nakoia. Ana reirei, E taetae nakoia iaon te kabanea ni motikitaeka. Naake a buakaka a na kamaenakoaki mai irouwia naake a raoiroi. Naake a raoiroi a na karekea te maiu ae akea tokina, naake a buakaka a na anganaki te katuaeaki ae akea tokina.

Tera te kaokoro imarenan kurubu aika uoua?

Naake a kaota aia tangira rinanon te mwakuri a na kamaiuaki. Naake aki, a na kamaunaaki.⁶ Te rairaki ni koaua nakon ana euangkerio Iesu Krito ao tamaroana ao reirei a na kaotaki man ara mwakuri ni maiura ni katoabong.

N tokina, ti kaotan ara tangira ibukin te Atua ao raora e na bon aki tau ibukin te karietaaki. Bwa, ngke e reirei Iesu “tiaki ni kabane ake a kangai nakou, Te Uea te Uea, a na rin n aban uean karawa; ma teuare e karaoa nanon Tamau are i karawa.”⁷

Tera ae e na Roko imwiin te Tangira?

Te kaeka nakon te titiraki “Tera imwiin te tangira? e kona ni beeblete ao n ineti. Ngkana ti tangira te Tia Kamaiu ni koaua, ti na kananorinanoi nanora nakoina ao imwiini ti na nakonako ni kawaia ana reirei. Ngkana ti tangira te Atua, ti na kataia ni kawakin Ana tua.”⁸

Ngkana ti tangiriia raora ni koaua, ti reitiira ni buokiia “rarikin ao kainnano, aoraki ao aika rawawata.”⁹ Bwa naake a karaoa te mwakuri n aki iangoia i bon irouia n tangira ao n ibuobuoki,¹⁰ ti te arona ma aroia ana reirei Iesu Kristo.

Aio te bwai ae roko imwiin te tangira.

Aio bon aan ana euangkerio ae moan te kakaawaki Iesu Kristo.

BWAAI AIKA A NA TARAAKI

1. Thomas S. Monson, “Te Tangira—te Kabanea ni Kakawaki n te Euangkerio,” *Riaona*, Meei 2014, 91.
2. Taraa Mataio 22:36–40.
3. Taraa Moronai 7:46–47.
4. Taraa Mataio 21:28–32.
5. Taraa Mataio 23:3.
6. Taraa Mataio 25:31–46.
7. Mataio 7:21.
8. Taraa Ioane 14:15.
9. Doctrine ao Covenants 52:40.
10. Taraa Motiaeae 18:8–9.

REIREI MAN TE RONGORONGO AEI

Beretitenti Uchtdorf e kabwarabwara aroia ana reirei Iesu Kristo ni koaua n aroia naake a kaota aia tangira ibukina ao ibukiia tabeman man aia mwakuri. E reirei-niira bwa “ngkana ti tangira te Tia Kamaiu ni koaua, ti na kananorinanoi nanora nako lna ao n nakonako ni kawaia ana reirei.” Iangoia n titirakinia naake ko reirei-niira bwa a kanga ni kaungaaki n te tangira n nakonako ni kawaia ana reirei. Ko kona n tibwa am namakin naba ma ngaiia. Ko na bae n iangoia ni kaoia bwa a na tataro ibukin riki te tangira ao te korakora ni mwakuriia te tangira.

KAIRAKE

Kawakinan Tuua ao Tangiraia Tabeman

Ngkana ti iangoia te tangira, n tabetai te moan bwai are ti iangoia bon tamnein te tangira, te kanree, taian uee. Ma te tangira—ni koaua te tangira—e nano riki ao kabatiaakin riki iangoakiia tabeman nakon anne. Iesu Kristo e maiu ibukira ao e mate ibukira ibukin Ana tangira Ibukira. Ni koauana, tuua aika uoua aika a korakora bon tangiran te Atua ao tangiraia aomata ni kabane (tarraa Mataio 22:36–40). Ma ti na kanga ni kaotia nakoia tabeman bwa ti tangiriia?

Beretitenti Uchtdorf e tibwa ana taetae ni kaikonaki Kristo ibukiia naati aika uoman, temanna are e mwakuri ibukin tamana ao temanna ae e aki. E kamatata te Tia Kamaiu bwa bon tii te nati are e ongotaeka nakon tamana ae e bon tangiria ni koaua. N aekan aei, ngkana ti ongotaeka nakon ana tua te Atua, ti kaotia bwa ti tangiria ao ti kan oki Nakoina.

Ma ti na kanga ni kaotia ae ti tangiriia aomata nako? Beretitenti Uchtdorf e kabwarabwara naba anne: “Ngkana ti tangiriia raora ni koaua, ti anga ngaira bwa ti na buokiia ‘rarikin ao kainnano, aoraki ao aika rawawata.’ Bwa naake a karaoi mwakuri n akoi ao n ibuobuoki, bon ngaiia naba ana reirei lesu Kristo.”

Bwa n taai aika a na roko ngkana ko nooria am karo, tarim ao mwanem, ke raraom, iangoia bwa ko na buokiia ao ko na kaota am tangira nakoia. E aki tii kakukureia ao ngkoe, ma e kakukureia naba Tamara are i Karawa.

ATAEI

Kaota te Tangira

Iesu e karakina rongorongan te karo ma natina uoman mwaane. Te karo e mwakuri n te oo ni kurebe ao e tuangiia natina uoman bwa a na buokia. Natina te karimoa e rawa n te moan tai ma imwiina e roko n ibuobuoki n te nne ni kurebe. Etaku te karimwi bwa e na ibuobuoki, ma e aki te roko ni karaoia. Iesu e reirei bwa tekrimoa e kaota riki ana tangira nakon tamana man ana ongotaeka.

Karaoa te kaotioti n te karaki aei! Imwiina korei ake korei tamnein bwaai aika teniua ake ko kona ni karaoia ni kaota am tangira nakon Tamami are i Karawa.



TeNakoa ni karo bon te Nakoa ae Tabu

Tataromuaaka ni kamatebuiaia te buai n reirei aei ao ukoukoria ni kan ataia bua tera ae ko na tibwauaia. E kanga ataakin “Te Utu: Te Katanoata nakon te Aonaaba” ni karikirakea am onimaki iroun te Atua ao ni kakabwaiatia naake ko tararuatia rinanon te reirei ni kakawari? Ibukin rongorongona riki tabeua, nakon reliefsociety.lds.org.

Tamara are i Karawa e katei taian utu bwa a na ibuobuoki n reirei tua aika eti n te tabo ae tatangira. Beretitenti Thomas S. Monson e taku: “Anganiia natim taeka ni kaka-tia ao te inga; ni kangai, ‘I tangiriko’ riki; kakaota am kakaitau n tainako. Tai kataia ni iangoia bwa e kakawaki riki katokan te kaangaanga nakon tangiran te aomata.”¹

Susan W. Tanner, Te beretitenti ni kabuta irouia Kairake n Ataeinnaine, e reirei: “Tamara are i Karawa e anga te baeten are ti riai n iria. E tangiriira, e reireiniira, e tataonannano ioura, ao e anganiira inaomatara. . . . N tabetai te boaaki, are e nanonaki ‘n reirei,’ e kairuruki ma te kabuakaka. Ataei—n aroia aomata n roroia nako—a katamaroa anuaia man te tangira ao te kaunga-nano nakon riki te tiribure.”²

“Ngkana ti kakaonimaki ni karaoa te tataro n utu, kamatebwai ni koroboki aika a tabu, kainutu n te tairiki, kakabwaiia n te nakoanibonga, ao ni kawakina te Tabati,” e taku Unimwaane Quentin L.

Cook man te Kooram n Abotoro are Tengaun ma Uoman, “natira a na . . . tauraoi riki n te mweena ae akea tokina i karawa, n aki tarai kabwakaia n te aonaaba ae kaangaanga.”³

Rakan riki Booki aika Tabu

1 Nibwaai 8:37; 3 Nibwaai 22:13; Doctrine ao Covenants 93:40; 121:41

Karakinaia Aomata n Taai Aikai

“I wareware n te nutibebwa ngke temanna tibu te mwane e tamwarakeai.” E taku Unimwane Robert D. Hales man te Kooram n Abotoro n te Tengaun ma Uoman. “Ngke I wareware, I kukurei n ongo bwanaana ae karewe mai buki. Iangoa kubanakou ngke, tabeua te miniti imwiina, e karinrakea imarenau ma te beebwa. E taua ubu ni baina ao bwairina iaon bwairiu, n titirakinai ‘Kuraenibwa! Ko mena ikanne?’

“. . . Menam *ikekei* nanona ko ota n nanoia am roronrikirake ao ko reitaki ma ngaiia. Ao n reitaki ma

ngaiia nanona tiaki ti te maroro ma ngaiia ma ni karaoi naba bwaai ma ngaiia. . . .

“Ti riai ni babaire ao ni kabonganai bwaai aika a tamaroa n tai n angareirei. . . .

“. . . Mwaitin riki maiu, mwaitin riki ataakin taai n reirei inanon kairakeu, riki ake a reke mai irouia au karo, ake a tia ni kankoraoa maiu ao ni karikai bwa antai Ngai.”⁴

BWAAI AIKA A NA TARAAKI

- Thomas S. Monson, “Tangira n te Mweenga—Reirei mairoun Ara Burabeti,” *Riaona*, Aokati 2011, 4.
- Susan W. Tanner, “Did I Tell You . . . ?” *Riaona*, Meei 2003, 74.
- Quentin L. Cook, “Te Uea Bon Otau,” *Riaona*, Meei 2015, 64.
- Robert D. Hales, “Tibwangara nakon te Atua: The Mission of Parents and Leaders to the Rising Generation,” *Riaona*, Meei 2010, 96, 95.

Iangoa Aio

Bukin tera te euangkerio e tamaroa reiakinana n te taetae ao ana banna ni katoto te tangira?